



Broj: 01,02-02-1-27/15

Sarajevo, 23.12.2015.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 21.12.2015			
Organizacioni	Klasifikacija	Broj	Prilog

B

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o izmjeni Krivičnog zakona Bosne i Hercegovine s članom 105. Poslovnika Predstavničkog doma Parlamentarne skupštine BiH i Jedinственим pravilima za izradu pravnih propisa u institucijama Bosne i Hercegovine

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-27/15, od 18.12.2015., dostavila Prijedlog zakona o izmjeni Krivičnog zakona Bosne i Hercegovine (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinственим pravilima za izradu pravnih propisa u institucijama BiH.

Prijedlog zakona, broj: 01, 02-02-1-27/15, od 17.12.2015., predložili su poslanici u Predstavničkom domu Parlamentarne skupštine BiH: Mladen Bosić, Aleksandra Pandurević, Borislav Bojić, Momčilo Novaković, Đorđo Krčmar, Nenad Lalić, Lazar Prodanović, Dušanka Majkić, Staša Košarac, Milica Marković, Nikola Špirić i Miroslav Milovanović kao ovlašteni predlagači, u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma

Parlamentarne skupštine BiH

Prijedlog zakona je, u skladu s članom 105. stav (1) Poslovnika Predstavničkog doma, podnesen u formi teksta, u pisanoj i elektronskoj formi, na jednom jeziku i pismu u službenoj upotrebi u BiH.

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- ustavni osnov za usvajanje zakona
- razloge za donošenje zakona
- principe na kojima je zasnovan prijedlog zakona
- procjenu finansijskih sredstava neophodnih za provođenje zakona

- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje, koje sadrži:

- 1. ustavni osnov;
- 2. razloge za donošenje;
- 3. usklađenost propisa s evropskim zakonodavstvom;
- 4. objašnjenje predloženih rješenja te
- 5. finansijska sredstva.

U obrazloženju, što bi bilo u skladu s članom 105. stav (3) tačka c) Poslovnika Predstavničkog doma, nisu navedeni principi na kojima je zasnovan Prijedlog zakona.

U skladu s članom 105. stav (4), iako se u obrazloženju navodi da materija koja se obrađuje nije regulirana pravnoobavezujućim aktima EU, mišljenje Direkcije za evropske integracije Bosne i Hercegovine o Prijedlogu zakona pribavlja Kolegij Doma.

Članom 105. stav (5) propisano je da se uz prijedlog izmjena ili dopuna zakona prilažu i odredbe članova koje se mijenjaju, odnosno dopunjavaju, te verzija prečišćenog teksta zakona. Uz Prijedlog zakona nije dostavljena odredba koja se mijenja (briše) niti verzija prečišćenog teksta Krivičnog zakona Bosne i Hercegovine.

Iz navedenog proizlazi da Prijedlog zakona o izmjeni Krivičnog zakona Bosne i Hercegovine **nije u potpunosti usklađen** s članom 105. stav (3) tačka c) i stav (5) Poslovnika Predstavničkog doma.

II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)


S obzirom na to da je riječ o Prijedlogu zakona kojim se vrši izmjena Zakona, potrebno je ukazati na specifičnost sadržaja glavnog dijela Zakona i član 49. stav (2) Jedinostvenih pravila: „(2) Propis o izmjenama i dopunama u prvom članu treba sadržavati pozivanje na osnovni propis...“;

te potrebu da se pozivanje uvijek obavi u potpunosti. U Prijedlogu zakona, u članu 1., nisu navedeni svi brojevi „Službenog glasnika BiH“ u kojima su objavljivane izmjene i/ili dopune Krivičnog zakona Bosne i Hercegovine.

Istovremeno, napominjemo na odredbe člana 105. stav (7) Poslovnika Predstavničkog doma: „(7) Poslanici će, prilikom izrade prijedloga zakona, tražiti stručnu pomoć Zakonodavno-pravnog sektora Sekretarijata Parlamentarne skupštine BiH, u smislu usklađivanja prijedloga zakona s Jedinostvenim pravilima za izradu pravnih propisa u institucijama BiH“.

U skladu s navedenim, Prijedlog zakona ***nije u potpunosti usklađen*** s Jedinstvenim pravilima za izradu pravnih propisa u institucijama Bosne i Hercegovine.

Rukovoditeljica
Zakonodavno-pravnog sektora
Mirjana Kutanjac



Dostaviti:

1. naslovu
2. sekretarki Zajedničke službe Sekretarijata

